

# Projekat unapređenja geoprostorne infrastrukture i procjene vrijednosti (GIVE)

04.02.2025 16:50



**FGU**  
Federalna uprava za geodetske i imovinsko-pravne poslove

Dom Naroda parlamenta Federacije BiH je na svojoj 15. redovnoj sjednici održanoj u četvrtak 30.01.2025. godine usvojio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje **Projekta unapređenja geoprostorne infrastrukture i procjene vrijednosti**. Istu Odluku je usvojio prethodno i Predstavnički dom Parlamenta FBiH na 15. sjednici održanoj 28.11.2024 godine.

Usvajanjem odluka su sve parlamentarne procedure na državnom i federalnom nivou uspješno završene, čime su u najvećoj mjeri ispunjeni formalni uslovi za efektivnost i početak implementacije Projekta unapređenja geoprostorne infrastrukture i procjene vrijednosti (Eng: Geospatial Infrastructure and Valuation Enhancement - GIVE). Sporazum o zajmu između Bosne i Hercegovine i Međunarodne banke za obnovu i razvoj, broj 96760-BA, potpisan je 29. augusta 2024. godine, a ratificiran 12. decembra 2024. godine i objavljen u "Službenom glasniku BiH", broj 1/25 – Međunarodni ugovori.

Projekat GIVE, finansiran od strane Međunarodne banke za obnovu i razvoj (IBRD), vrijedan je 23,1 milion eura i traje do 31. januara 2030. godine, dok se efektivnost očekuje u martu 2025. godine po završetku subsidiarnih procedura.

Glavni cilj projekta je poboljšanje tačnosti i dostupnosti informacija o zemljišnoj administraciji u Federaciji Bosne i Hercegovine. Digitalizacija, harmonizacija i standardizacija podataka omogućit će modernizaciju sektora zemljišne administracije, pružajući bolje usluge građanima i poslovnoj zajednici.

Implementaciju projekta provodi Federalna uprava za geodetske i imovinsko-pravne poslove putem Sektora za upravljanje projektima iz programa javnih investicija.

Za više informacija o GIVE projektu molimo da posjetite sekciju detaljnih podataka o projektu: <https://www.fgu.com.ba/bs/opce-informacije-o-projektu.html>

